

CICERO AD COLLOQUIUM EVOCATUS

Carmen Theoderico Sacrè dedicatum.

- A: Dicendi unde tibi nata est tam mira facultas?
C: Discendi quod omissa mihi est occasio nulla.
«Rem teneas», Maior dixit Cato, «verba sequentur». 5
Quem studio veneror, cuius vestigia servo.
Privatis opibus minime fuit ille locuples,
nec lucri cupidus. Fuerat res publica cordi
sola viro, patriae sancto flagrabat amore.
Pauper et ipse fui. Patriae tamen utilis esse
ardebam. In somnis monuit me Porcius ipse:
«Res iubeo, non verba sequi. Vigilare memento, 10
ingenium exacuas, rerumque peritia crescat.
Utilior ferro labor hic, pretiosior auro.
Mente tibi, non vi, patriam servare licebit.»
A: Ille quidem, quamquam visus contemnere Graios,
e Danais didicisse senex non pauca probatur. 15
At tibi iam puero Graecos placuisse magistros
suspicer. C: Haud sprevi Romana exempla. Trahebat
me ingenium Antoni, Crassus venerabilis arte.
Qui tamen externos mihi commendare magistros
non dubitat: «Musarum acuat tibi filius aurem 20
Archias; Aesopo gestûs polienda venustas!»
Imprimis Molon docuit me mitius uti
voce mea. Sine quo patriae servire nequirem.
A: Te multum video Graecis debere magistris.
C: Unum etiam maius: sapientia summa Platonis,
qua sine nec patriae neque amicis utilis essem. 25
A: Vix credo: procul a vitâ sophia ista remota est.
C: Nil tamen utilius! Nulla esset copia fandi
ni tu, docte Philo, dubitandi fide magister,
Socratus vere, meditari me docuisses 30
non tantum mea verba, sed et contraria, summâ
cum curâ, promptum partem pugnare in utramque.
Sic ego, molitur quidquid pars altera, mente
anticipans, cunctis sum respondere paratus.
His sine exercitiis esset facundia nulla. 35
A: Sic tibi rhetoricae facta est sapientia mater.
C: Nec tantum eloquii, vitae dux maxima mansit.

Cuncta etenim ad vitam sophiae paecepta referri certus eram: ratio et privata et publica frenat.	
Res etenim cunctas, divina humanaque nosse et rerum causas, tempus quid postulet ipsum perspicere illa docet. Consul neque gente neque armis sed sola vigili confisus mente labantem servavi patriam, iuris legumque pudorem.	40
A: Victe iaces, Catilina, haud victa audacia! C: Quare ulterius quaero, fundamina quomodo firmem rerum nostrarum. Valuit concordia Romae, dum terrent hostes. Victa Carthagine rixae natae inter cives. Tantum sua cuique placebant commoda, non patriae. Consensus ut ille salutis communis redeat, praebet sapientia Graeca arma homini: regnet ratio, non caeca cupidio. Se noscat, simul et leges moresque paternos quisque suo studeat stabilire in pectore civis! «Vixisti tibi, non patriae satis, include Caesar», heu frustra suasi. Totum qui vicerat orbem, se tamen excepto, sapientia defuit illi.	45
Ultima spes in te posita est, Romana iuventus: quod superest vitae vobis impendere curo! Utile Graeca tulit quidquid sapientia vitae librorum in magnum libuit contexere corpus. «Sit notus sibi quisque!» monent Academica scripta. Quae bona, quae non sint, libri <i>De finibus</i> edunt. Quas natura ferat leges, Cicero ipse revelo.	50
A: Hunc legum fontem populi communiter unum inveniant, quem nunc orbi tua scripta recludunt!	60
C: Scipio, quid mundus, pandit, quae publica res sit. Dum tibi amicitiae laudantur vincula, Laeli, canities viridis fert gaudia sera Catoni.	65
Dum dubitans quaero, quae sit natura deorum: perspicio numen cunctis a gentibus unum iure coli. A: Quod Christicolis hodieque probatur. Qui tibi amor patriae, nobis fratrisque Deique. Iam fit, quod tua mens providerat; unius orbis civibus est cunctis custodia tradita mundi.	70
C: Quinque libris studui medicamina ferre dolori. Post mortem natae, qua nil mihi carius umquam, ipse mihi non erubui solacia ferre.	75

A: Heu! Impugnatos, non victos multa dolores littera testatur. Doctorum stulta caterva pro quo te improbat et clamat minus esse virilem. At mihi carior es tanto: tua littera mecum sic loquitur, praesens videaris ut edere voces. Morte tamen tua mens animosior extitit ipsâ: celsa tyrannorum cecidisti victimâ: sanctae magnanimum libertatis testatus amorem.	80
C: Filius accepit libros, quem grandior annis, officium quid sit, doceo. A: Tibi gratulor: ille factus et est consul. Post quem per saecula multa milia te iuvenum legerunt non sine fructu.	85
Cum nil suave sonet doctorum cetera turba, difficilem perhibens sophiam, limaque carentem, haud iniucunde loquitur sapientia vestra, et pulchra apparet Virtus, non hispida. Per te accensa est quam magna cohors illius amore!	90
Mente Augustinus revocata a sensibus auxit iustorum numerum. Tua quod sapientia fecit: conversionis erat tuus ille <i>Hortensius</i> auctor. Te probat ex aequo Voltarius atque Lutherus, te rex commendat Fridericus saepe legendum.	95
Te probat ex aequo Voltarius atque Lutherus, te rex commendat Fridericus saepe legendum. Quorum consilium docta ignorantia sprevit: lingua quidem multis laudatur, mens tua paucis.	100
C: Nil mea lingua foret, ni mens moderamen haberet. A: Vox tua vas sophiae: doctorum lingua remansit. Quae fuerat Latii, terrarum possidet orbem.	105
Quae sine te cum Caesaribus neglecta perisset, morte caret: per te tenet hanc Sapientia sedem.	

Heidelberg*

MICHAEL VON ALBRECHT

ABSTRACT:

In this poetical dialogue in Latin hexameters the author portrays himself in conversation with Cicero about the greatness of the latter's works and their influence on posterity.

KEYWORDS:

Cicero, his works' importance and influence.

* L'autore ci ha autorizzato a pubblicare questa sua composizione il 3 gennaio 2021, giorno del 2.127° anniversario della nascita di Cicerone, ad Arpino, il 3 gennaio del 106 a.C.